

元氏縣志
禮

疆域地理

氣候人口

物產實業

地 130.97
62
21-6
35

民國辛未

元氏縣志

武儒衡題

重修元氏縣志序

縣之有志猶國之有史也體裁雖異意義則同溯其源蓋肇於禹貢及周禮之職方後班固之作漢地理志張華之作博物志虞世基等之作十郡志明初之命儒臣作一統志嗣後縣各有志著爲令典府省統之上於戶部蓋以稽一方之聲明文物以爲政教措施之地也志之關係亦大矣哉民國二十一年余捧檄元氏其地爲古中山巖邑因趙公子元分封於此邑遂定名閒嘗翻閱舊志肇輯於明嘉靖丁未迄清同治甲戌其間續修者三至今將六十年矧自清季變法廢古制殆盡及民國又朝令夕更諸凡地方制度之遞嬗社會狀況之變遷幾不可僕指數夫志非唯記載往事實以垂範來茲設不亟爲修纂則文獻湮沒將何所徵信茲奉省令重葺自維謏陋懼勿能勝但修廢舉墜有司之責又何敢以不才辭爰延聘碩彥從事纂輯周諮博訪考古證今閱四月書成爲志十六篇門分類別綱舉目張敢云鉅細靡遺旣詳且盡然寢昌寢微所因所革

元氏縣志

序

固已瞭如指掌矣至求全責備補苴罅漏是所望於後之來者是爲序

中華民國二十一年十二月元氏縣縣長莊河王自尊撰

續修元氏縣志序

元氏志肇輯於明嘉靖丁未迄清同治甲戌續修者三由同治甲戌至今將六十年續修誠爲必要自清季變法廢古制殆盡及民國又朝令夕改若舉棋上下三十年間諸要政屢次紛更幾不可僕指數時遷事易失今不紀則後此文獻湮沒將何所考信以取徵民國辛未省府頒志料門類令各縣續纂縣志縣尹王大令自尊招紳開局將述往事以資來者適因變故工作中輟九月初賡續之纂錄前志綴輯近聞爲志十六篇閱兩月書成爰列其次序如左

分封采地趙公子元筆路藍縷城於上原隋置靈山旋移槐北明建石城神宗當國并州西界欒趙東隣提封百里原隰龍鱗百九十村區分爲五僻處山陬素稱樂土述疆域沿革區域第一

龍山聳翠槐水流春京漢鐵軌通貫平津磨盤山巔蒼巖道口臨下居高有險可守巖名避暑洞號藏龍熊耳龍首突兀奇峯普濟果園聖山石柏洗筆深池

元氏縣志

序

一一

試劍巨石述地理山川勝蹟第二

地勢高燥秦半重巒夏或酷暑冬則沍寒有山皆童無水不涸井濶不食泉深難鑿洪流暴發走石流沙汪洋澎湃蕩產破家欲厚民生須防潦旱倡導森林勢不可緩述氣候雨量第三

相古有里里有社書各書名籍以獻王都體察輿情展覽版圖日中爲市以通有無政教衰微無方化導生息莫稽死亡孰報負版具文久成虛造果欲利民確稽息耗述人口第四

地質瘠境物產微薄委諸天然不肯救藥俗日惰媮民日貧弱椎魯少文谿刻鄙惡物土之宜農學宜研深耕易耨辨壤沃田山芋薑韭瓜果桑棉因勢利導富足基焉述物產第五

元多耕農不尙工賈戶鮮蓋藏昔蠹瘠苦有投機家攘袂養蜂利市三倍張帆順風倏遇石尤跌落千丈折閱不貲氣沮神喪花生榨油棉紗織布設法改良自廣銷路述實業第六

縣政改組積弊一空夷考真際未奏膚功匪法不良惟人是視各盡其才萬事自理綜覈有術潔己奉公協力互助共濟和衷義務權利本相對待毋貪虛名而忘實在述行政第七

鄉村師範教育始基初級需要端在良師師道既立善人自多普及教育此其先河造就既深優其待遇壹志專心毫無他顧十年樹木百年樹人自有主觀勿效眉賸述教育第八

一身血脈時刻流通社會血脈恃乎金融金融流轉操於商會信用昭彰角票現兌票出私家禁止濫發舖保連環準備不闕擴大規模組織銀行川流不息永利槐陽述金融第九

元毗山右土厚水深勤儉敦朴孝弟睦姻質勝少文其弊則野慷慨悲歌風有存者京漢路通習俗漸澆飲食衣服摩仿時髦十數年來災祲迭見履霜堅冰可覘世變述風土第十

古昔鄉賢首推四李牧與左車祖孫踵起李裔子雄父子濟美赫赫英風照耀

元氏縣志

序

三

青史南宋智浹訟岳飛冤明初李琦奉使西番不辱君命大節凜然猗歎那歎萬禩流傳述人物第十一

山川靈秀鍾毓非常術稱絕技藝擅專長元李仁卿測圓海鏡天算專家鮮能與競堪輿名世封麓老人精岐黃術有闔維純凡此諸家絕代方技歷久不磨後先同揆述藝術第十二

著作藝文儒先心血王禹樂義士林稱絕瓊林金精爲王宗哲有趙映斗理精義澈易經解意四書理說智燧春秋寒暑不輟李灝寶訓牛樞秋月一瓣心香不須火熱述著述第十三

河北漢碑元有其五祀三公碑書法最古延熹七年碑曰封龍光和四年額曰三公無極山碑字跡漫漶白石神君或疑非漢定光鐵塔王右軍書是誰盜劫令人歎歎述金石第十四

元在河北本屬嚴疆楚漢爭雄迭爲戰場割髭變貌尤來大槍五胡雲擾鼎沸蠅蟻隋季唐初干戈擾攘元明之末寇盜披猖有清一代物阜民康奈何民國

屢見兵荒述故事第十五

自周及今前志所存或關掌故或屬人文古制今廢無類可分新志體例又無此門網羅散失搜採軼聞歸之志餘錯雜紛紜述而不作先聖所云藏之縣府以存其真述志餘第十六

民國二十年十一月邑人李林奎謹序

元氏縣志

序

四

凡例

一元氏有志昉於明之嘉靖二十六年重修於清順治四年續修於乾隆二十三年及同治十三年今舊志多佚惟同治志尙存茲編以同治志爲據依而別類分門則遵照省頒各縣志料門類

一同治志共分十二門茲照省頒修志門類大綱分爲十六細目附於其下較之舊志類別增加數門皆準時代及地方情勢而定

一省頒修志門類有外僑一門元邑地處山陬向無外國人寄籍故外僑缺而不載

一圖與書本相輔而行方志之圖尤爲全書綱領惟元邑工測繪者頗難其人而倉卒急就又難集事茲借用光緒三十四年警局實測之圖影附卷中雖製繪未工然較之舊圖頗爲精確

一沿革列表則因革之迹一目瞭然茲編一遵省頒修志通例只述沿革之由

元氏縣志

凡例

來無取列表

一縣治分爲五區每區附有一圖區轄村鎮分列一表各機關之所在及城廂村鎮之集市亦列表附後

一同治志記山按山脈先後登載記水則尋源竟委並詳所過之處距某村里數山固不改即水道近亦無變遷茲一仍其舊

一古蹟有稱道之價值者特攝影附印以存真象漢碑計有五爲元邑貞石之最著者亦影印以廣流傳

一人口按照最近警局調查分區列表雖登記生產死亡法未經實行數目不必確合然較之舊志尙爲詳確舊志之戶口亦附錄以資參証

一物產爲生命之源方物之登耗盈虛政令風俗悉因之變元境雖無特產果使研精農學亦爲富足之一大端舊志記物產稍疏茲就本邑普通之產品略爲增入

一清末行政之組織異於前代入民國後尤多變更茲述現時行政機關之組

織及其遷變而舊志之官師志及設官之沿革亦附焉

一商會農會之組織區公所黨部之成立他如習藝所救濟院醫院等凡關新政之建設皆附於自治之後以備參稽

一教育關一邑之文化凡高級初級均詳列一表而舊志之義學書院皆附於此以著源流

一方言爲志謠俗者之要典茲概取元人當時之語凡習見經典及士林雅言姑置不錄雖掛漏猶多而尋常習用約亦可得其七八

一舊志志人物先詳仕蹟以武功忠烈附之標學行以概文翰分孝義以示奮興餘各以類相隨而終之以列女茲一仍舊志特以封蔭等附於後

一藝文不錄生存者人物遵照省頒範圍以已故者爲限皆用避嫌常例以免私濫之譏惟金石刊定以石爲主不在此限

一鐘鼎彝器元邑無存惟碑碣多漢魏有價值者舊志全錄其文茲仍舊

一舊志載學宮從祀先賢先儒此本國家通行祀典非一縣所得私自應不載

元氏縣志

凡例

二

惟名宦鄉賢忠孝三祠鄉里矜式不宜闕如茲附名氏於學宮中

一志餘一門凡舊志所載不歸入十五門者皆附於此

一此次修志時間迫促遺漏仍多所望後之君子匡其不逮

元氏縣志目錄

疆域 附縣境全圖

(一)沿革

附城池公署官舍壇廟 有圖

(二)位置

(三)區域 附城廂圖

(1)分區圖

(2)區轄村鎮表

(3)附舊志里社表

(4)城廂村鎮集市表

(四)面積

地理

元氏縣志

目錄

(一)山脈

(二)河流

(三)交通

四鄉郵政交通圖 附圖說

附舊志郵政

(四)關隘

附墩舖

(五)名勝 附影片

(六)古蹟 附墓道 附影片

氣候 雨量附

人口 附各區人口表 附舊志戶口

物產 植物 動物 貨物

實業

行政 附舊志官師表 附影片

(一) 組織

(1) 縣政府 司法附

(2) 公安局

(3) 教育局

(4) 建設局

(5) 財務局

(6) 慈善機關 附舊志養濟院

(甲) 救濟院

(乙) 醫院

附舊志養濟院

(二) 財政 附舊志田賦

(三) 治安

元氏縣志

目錄

二

(1) 保衛團之組織

(2) 會哨地點日期表

(3) 會哨地點日期單

(四) 自治

(1) 區公所

(2) 自治局之沿革

(3) 黨務

附黨部指導下各民衆團體

(甲) 教育會

(乙) 總工會

(丙) 婦女協會

(丁) 商民協會

(戊) 農會

(己)商會

教育 附影片 附圖

中學 師範 高小 初小

附五區各學校一覽表

附廟學 舊志學宮
附此有圖

附書院 有圖

附義學

金融

風土

(一)宗教

(二)民生 附影片

(三)禮俗 附影片

(四)歌謠

元氏縣志

目錄

三

(五)方言 附舊志方音

人物

人物志上

(一)仕蹟 (二)學行 (三)孝行 (四)義行

人物志中

(五)隱逸 (六)流寓 (七)選舉 (八)列女

人物志下

(九)封蔭 (十)鄉賓 (十一)職銜 (十二)耆壽

藝術

(一)藝文

(二)方技

(三)書法 附影片

著述 舊志著作附此

金石 附各碑影片

故事

(一) 史事

(二) 軼聞

(三) 災祥

志餘

(一) 鹽政

(二) 倉儲

(三) 仙釋 宦者附 廟宇附

(四) 辯訛

(五) 存疑

附叙錄

(一) 舊叙

元氏縣志

目錄

(一) 歷修姓氏

(二) 新輯姓氏

疆域

(一)沿革

元氏在秦末漢初置郡置國幾五百餘年實爲故城遺址自隋移治以後省徙無定至明末始建石城茲參之史冊約輯於篇用備參考

禹貢屬冀州之域周爲并州地春秋爲鮮虞國後屬晉國又屬中山國戰國初屬中山後併於趙國始封公子元於此因名元氏（按舊城在元氏西北二十里即公子元始封之邑也舊址尙存呼爲故城村皇輿圖攷）秦屬鉅鹿郡地後屬趙王武臣地西漢初屬趙王歇地高帝三年置恒山郡治元氏呂后時又改恒山郡爲恒山國文帝元年改爲常山郡尋省屬趙國景帝五年立皇子舜爲常山王復置常山國武帝元鼎三年復改常山爲郡仍治元氏王莽時改爲井關亭東漢屬冀州部建武十三年併正定置常山國仍治元氏興平十一年除常山國魏屬冀州部後改常山國仍治元氏晉屬常山郡後魏因之道武元

元氏縣志

疆域 沿革

一

年移元氏常山郡於安樂壘北齊後周廢元氏縣（以上置國置郡或省或復均係舊城）隋開皇六年復置元氏縣屬趙郡徙治今城開皇十六年置靈山縣大業元年省靈山併入元氏（按靈山故址在縣治西二十里東西城角兩村間）唐屬趙州五代唐改屬正定府宋金因之元初屬趙州蒙古太祖鐵木真十五年還屬正定路明屬正定府清因之至民國廢府置道屬保定道道廢遂直隸於省總之元氏沿革無大異惟隋開皇間分置靈山縣未幾仍併入於元氏

附城池公署官舍壇廟

城池者一邑都會之所在也公署者一邑政令之所出也官舍者所以腐機關壇廟者所以存古蹟雖時有變遷地有興廢而沿革之迹固自有可見者茲將舊志所紀之城池公署官舍壇廟附之後用備稽攷

(一)城池圖附區域內

舊城去縣治西北二十里故壘僅存自隋開皇遷縣於槐水北即今城明景泰



間知縣杜確成化間知縣王鑑之正德間知縣姚文明嘉靖間知縣沈鑑周居魯俱重修原係土城週圍五里許高二丈五尺萬歷三十年知縣盧永改作石城工未竣卒於任知縣劉澤深續其功週圍計一千零二十四丈高三丈頂闊二丈根闊三丈磚堞口一千九百九十五個有修石城記萬歷四十一年知縣王途改砌磚水口四十三道計土功三百丈有奇崇禎間知縣閻嗣科將原堞減塞一半康熙間知縣吳之謙營治內城嘉慶間知縣郭甘亦相繼重修咸豐三年八月初粵軍入直隸知縣郭珍捐俸金將西南隅城垣坍塌雉堞殘缺處重修補葺有碑記同治二年知縣王啓俊補修堞壘週圍完固

門 舊無北門知縣劉澤深因改石城仍建東西南三門洞高一丈六尺五寸闊一丈三尺五寸知縣閻嗣科復於門外洞外用磚平鋪安一重門高八尺闊五尺七寸重門外各設吊橋一座重修門樓三座各三間有重簷知縣劉澤深於樓中各設大鼓一面晨昏伐之一準懸門知縣閻嗣科因寇警各於樓中懸鐘一口擊以立號今鐘鼓樓圯咸豐三年知縣郭珍重修同治四年知縣王啓

元氏縣志

疆域 沿革

二

俊按舊制添造東西南重門各一整修門洞有碑

角樓 城東北西南西北各角樓一座各三間有重簷四面皆通出入東南角以魁星樓當之三樓圯惟魁星樓存

四角砲樓 崇禎十三年知縣張慎學於城外四角建重簷砲樓一座綴附城角牆瑩以磚空其中以梯上下於兩面順城處各就地留砲門一個置大砲於門內又用木爲箭簾計九百八十一副有事懸掛無事收藏俱廢惟東南角城垣僅存

更舖 舊修石城設更舖一十六間門皆內向知縣閻嗣科添設更舖一百八十一間門皆外向今圯

郭 舊無萬歷間知縣王途於城外二丈許週圍築土牆一千零九堵并建柵欄門六座順治六年知縣祖永杰照舊修築復設柵欄同治二年知縣王啓俊仍舊制各設木柵欄三座以閉內外今圯

關 三門俱有舊於關頭各設柵欄一座可當月城順治十五年知縣王坤新

建三關樓有碑記康熙十一年知縣吳之謙重修南關閣有碑記俱圯

池 舊闊二丈五尺深一丈七尺原無水崇禎六年知縣閻嗣科濬一次復從西南城角就故道向南開渠引槐水入池天旱河涸功不就崇禎十二年知縣張慎學復濬之四圍岸闊三丈底闊一丈五尺深至見水順治六年知縣祖永杰又疏濬之查現在槐水斷流難引入城河限於地勢也同治六年護城濠溝淤塞已久知縣王啓俊按社派夫工價食用俱係各村備辦週圍挑挖共一千四百八十四丈面寬三丈底寬一丈深一丈五尺人心踴躍不日遂告竣焉以上舊志

現在石城垣尙完固近年屢次修補女牆半毀郭已無存東南角魁星樓亦將圯池濠淤塞已久民國十七年晉軍駐元徵民夫濬一次然亦不及從前深闊

新續

(2) 公署 舊署迨近北城明洪武間知縣謝止遷於城之中成化四年知縣周溥重修民國十七年改稱縣政府
忠愛堂 舊匾琴堂乾隆三年知縣陳福重修有記左有題名碑 民國七年縣長王

元氏縣志

疆域 沿革

三

炎籌款重建規模宏敞迥異於前有碑記在堂右記文列藝術

思補堂 在忠愛堂後左右有廂房各三間知縣王途重修

御箴坊 在忠愛堂前舊係碑亭現修木坊 箴云爾俸爾祿民脂民膏下民

易虐上天難欺今圯

儀門 三間左右皆有角門知縣王鑑之重修

大門 上有譙樓乾隆年間知縣王人雄重修有碑記

照壁 在大門外路南

監 在儀門內右

幕廳 在忠愛堂左乾隆十三年改爲蕭曹祠

六房 成化間知縣王鑑之重修衙署增置六房公廨有碑知縣王途重修又

西三房經焚毀知縣張慎學捐俸重修

庫房 在忠愛堂側今爲書記辦公處

庫樓 在幕廳東高七丈知縣田時建有碑今廢

教場 在縣北三里許今縣立中學鄉村師範校址在此按同治六十三年查訪地仍舊六十八畝三

分六釐零四圍墻圮柳無

演武廳 在教場內已圮

草廠 在縣治西北隅南北九十三步闊二十六步零一尺計地十畝萬曆時改爲預備倉崇禎時改爲小教場爲操演兵丁處後因名之爲小教場

射圃 在縣署西今之財務局建設局即射圃舊址

養濟院 在縣治東南今改救濟院殘廢所

留養局 一在城隍廟一在南佐村寺西久廢

預備倉 在縣治大門左後改常平倉久圮

府館 在縣治西南萬曆四十年知縣王途改爲倉房十九間久廢

撫按行臺 在縣治東今改爲倉房久廢

南察院 舊爲書院知縣成守節改爲察院崇禎三年知縣戈允禮復改爲景賢書院久廢舊志又載南寺察院知縣張書建俱無考

元氏縣志

疆域 沿革

五

陰陽醫學 在行臺東西久廢

僧會司 在開化寺今歸南街公立初級小學

馬廠 在東門外東西十步南北五十六步今無考

財務局 地址清季爲射圃光緒三十二年知縣葉溶光籌措公益捐建房十

餘間以備辦女學三十三年春葉公歿遂中輟嗣奉省令籌備自治遂設立自治籌備處并開辦自治講習會宣統初年成立議參會民國二年議參會停辦遂爲征收所稅契處佔用民國六年大雨屋舍半圮十二年又籌措公益捐另行建築十四年並築圍墻

建設局 地址亦係射圃舊爲勸業所民國十四年由所內積存餘款在射圃南端空地另建新房

黨部 係議事會舊址房舍係民國八年所建

公安局 即警察所舊址大門照壁及其他新建房屋係民國十四年議參會議決由自治款項下撥給專款所建